



79

**CONVENIO Nº 2682 A SUSCRIBIR ENTRE O ORGANISMO AUTÓNOMO
"INSTITUTO MUNICIPAL DOS DEPORTES" E A ASOCIACION DE
PONTEVEDRA FUTBOL SALA (ASPOFUSA) PARA O
DESENVOLVEMENTO DUN PROGRAMA DE DINAMIZACIÓN DO FÚTBOL
SALA EN IDADE ESCOLAR NA CIDADE DE VIGO**

No Concello de Vigo, o día 03 de decembro de 2014

COMPARECEN

DUNHA PARTE: D. Abel Caballero Álvarez, Alcalde do Concello de Vigo.

DOUTRA PARTE: D. Juan Manuel Fernández Domínguez con DNI:
35958626N como presidente de ASPOFUSA (G-36929347), según consta na
documentación remitida pola entidade .

Diante da secretaria delegada do organismo autónomo "Instituto Municipal dos
Deportes de Vigo", Dña. Concepción Campos Acuña. .

Ámbalas dúas partes recoñecen a súa capacidade e competencia para
formalizar o presente convenio entre as entidades ás que representan e


EXPOÑEN:

Que o Concello de Vigo, a través do Instituto Municipal dos Deportes de Vigo, é
o organismo xestor da infraestrutura deportiva da cidade e que de forma xeral
desenvolve programas de promoción deportiva en tódolos ámbitos.

Que ámbas entidades están interesadas en colaborar conxuntamente na
coordinación de esforzos de cara a reunir os recursos necesarios para o
correcto desenvolvemento de programas de colaboración en materia de
promoción e dinamización da práctica deportiva.

Que de forma xenérica o obxecto principal do presente convenio engloba unha
serie de actuacións en relación á dinamización e potenciación dunha
competición deportiva orientada a escolares no ámbito da cidade de Vigo.

Que todos estes aspectos nos levan á necesidade de conxugar o presente
convenio de colaboración co ASPOFUSA, establecemento un marco de
relación, que permita complementar actuacións de ambas as dúas entidades,
unificando esforzos na promoción deportiva na cidade de Vigo, polo que dito
obxecto regulado polo seguinte convenio, atopase incluído no establecido no
artigo 4.d) do RD 3/2011, polo que se aproba o TRLCSP.



Polo tanto, e para levar a cabo as accións necesarias que fagan realidade os fins propostos, ámbalas dúas entidades suscriben o presente convenio de colaboración definindo as actuacións necesarias baixo os principios e garantías de equilibrio, capacidade e solvencia, que de forma específica especificábase nas seguintes

CLAUSULAS:

Primeira: A finalidade deste convenio fundamentase de forma principal na colaboración conxunta para o desenvolvemento dun programa de promoción deportiva vinculado á competición federada de fútbol sala en idade escolar na cidade de Vigo. A vixencia do presente convenio será dende a súa sinatura ata o 30 de xuño de 2015. Para a continuidade do obxecto deste convenio será necesaria a tramitación dun novo convenio, previa solicitude da entidade.

Segunda: A lexislación aplicable, para este convenio, o atoparse excluído do ámbito obxectivo de aplicación do RD 3/2011, polo que se aproba o TRLCSP (art. 4.d), queda referida ás propias cláusulas do convenio, ás restantes normas de dereito administrativo vinculadas e, no seu defecto, ás normas de dereito privado.


Terceira: ASPOFUSA, colaborará co Instituto Municipal dos Deportes no desenvolvemento da dinamización deportiva na cidade de Vigo a través dos seguintes compromisos:

a) Entidade ASPOFUSA, encargarse da dinamización da competición federada local en idade escolar.

b) A Entidade ASPOFUSA, durante os horarios establecidos polo IMD para o desenvolvemento deste programa de promoción do fútbol sala en idade escolar, responsabilizarase das tarefas básicas do control e vixilancia das actividades.

Igualmente garantirá a custodia das propiedades e enseres depositados na instalación, para o cal deberá comunicar os correspondentes partes de incidencias sobre calquera desperfecto atopado ou ocasionado polas actividades. De forma xeral tódalas incidencias e necesidades serán transmitidas coa maior celeridade posible ó departamento correspondente do IMD para o seu fluído tratamento e coñecemento.

c) A Entidade ASPOFUSA, deberá ter unha póliza de responsabilidade civil que cubra os diversos ámbitos de actuación e responsabilidades derivadas das obrigas deste convenio. Ademais deberá de cumprir con todos os requisitos de seguridade obrigatorios por normas de aplicación sectoriais da actividade que se desenvolva.



d) A Entidade ASPOFUSA, para garantir o uso equitativo e equilibrado das instalacións, atenderá ás normas xerais de uso de instalacións deportivas municipais do IMD.


e) En toda a información e publicidade das actividades deportivas vinculadas a este convenio figurarán os logos do Concello de Vigo, da Concellería de Deportes e do Instituto Municipal dos Deportes como entidades colaboradoras. Así mesmo todos os medios de promoción e difusión deberán empregar o galego.

f) A A Entidade ASPOFUSA colaborará co Concello de Vigo na difusión dos programas deportivos desenvoltos dende este e que teñen vinculación directa cos obxectivos da entidade que asina este convenio:

- Programa Municipal de escolas deportivas.
- Xornadas de formación.
- Campañas de concienciación vinculadas ós hábitos de vida saudables.
- Actividades dirixidas a poboacións especiais: Maiores, discapacitados...
 - g) Traballar conxuntamente na difusión e promoción necesaria dos programas de actuación deportiva de cara ó ensino e iniciación deportiva en tódolos aspectos da modalidade.
 - h) Participar nos proxectos de promoción do deporte dinamizados polo Concello de Vigo.
 - i) Que en todas as actividades que se desenvolvan dentro das actividades das entidades vinculadas ó proxecto, con independencia dos patrocinios das entidades, deberá figurar nun lugar visible a imaxe da Concellería de deportes-Concello de Vigo-IMD:
 - A imaxe da Concellería de Deportes-Concello de Vigo deberá estar presente tanto nas equipacións de xogo, e o seu formato e ubicación deberá ser autorizado pola Concellería de Deportes.
 - Na instalación de Xogo colocaranse, como mínimo, catro lonas coa imaxe institucional da Concellería de Deportes; ubicadas en zonas centrais e de máxima visibilidade da zona de xogo.
 - j) Fomentar, estimular e promover iniciativas e suxestións dos axentes implicados no ámbito deportivo conxuntamente coa concellería de deportes.

Cuarta: O Instituto Municipal dos Deportes comprométese a:

a) Colaborar coa Entidade que asina o presente convenio para poder programar as diversas actividades deportivas vinculadas con este convenio nos horarios necesarios durante o período de vixencia do presente convenio, en función da dispoñibilidade de instalacións, durante os fins de semana, dende Outubro a Maio. Sendo o número de fins de semana estimados, descontando períodos vacacionais de 29 e o número de partidos de media fin de semana de 35.



O importe do custo do convenio en función dos partidos a un precio unitario de 14.25 € por partido de 2º categoría (ordenanza fiscal, nº52, reguladora de prezos públicos 2014) estímase en 14.463,00 €.

b) O Instituto Municipal dos Deportes facilitará o uso das instalacións deportivas según o apartado anterior. A reserva do uso destas instalacións será realizado sen custe para a ASPOFUSA nos usos realizados vinculados ó obxecto do convenio, en función o descrito no apartado letra c) do artigo nº 6, do capítulo V) da ordenanza fiscal reguladora dos prezos públicos pola utilización das instalacións deportivas municipais, pertencentes o Instituto Municipal dos deportes.

Quinta: Por outro lado a sinatura deste convenio, non impide que ASPOFUSA, solicite o uso doutras instalacións deportivas municipais, neste caso sempre rexerese baixo a normativa xeral de uso de instalacións deportivas municipais.

Sexta: O IMD a través do seu persoal cualificado, resérvase a tal efecto a facultade de controlar o bo uso das instalacións, así como de emitir informes sobre o debido cumprimento das obrigas contraídas.

Sétima: Os asinantes do presente convenio comprométense a confeccionar unha memoria anual en relación o desenvolvemento das actividades incluídas neste convenio, a cal deberá contemplar:

Por parte de ASPOFUSA:

- Descrición das actividades realizadas.
- Nº de participantes.
- Nº de entidades.
- Valoración da actividade.
- Outros puntos que sexan considerados de interese.

Por parte do IMD:

- Nº de horas destinadas ó programa de colaboración con ASPOFUSA.
- Cálculo dos importes derivados da exención, no ámbito da aplicación do descrito na letra c) do artigo nº 6, do capítulo V) da ordenanza fiscal reguladora dos prezos públicos pola utilización das instalacións deportivas municipais, pertencentes o Instituto Municipal dos deportes.

Desta memoria anual deberase dar conta a Xunta Reitora do IMD.

Oitava: ASPOFUSA, non poderá percibir cantidade algunha pola utilización das instalacións obxecto deste convenio, por parte de terceiros, nin poderá autorizar o seu uso unilateralmente sen autorización previa do I.M.D.

Novena: Para o seguimento do convenio constituirase unha comisión de seguimento que estará formada por dúas persoas nomeadas por cada unha das partes.



Décima: O incumprimento de calquera das cláusulas deste convenio poder ser denunciada polas partes, quedando facultado o Presidente da Xunta Rectora do IMD para resolver as posibles controversias derivadas da execución e interpretación do convenio.

En proba da súa conformidade, as partes intervintes, así o conveñen asinando por duplicado, no lugar e data indicada no presente convenio.

O Alcalde do Concello de Vigo.

D. Abel Caballero Álvarez

O presidente de ASPOFUSA

D. Juan M. Fernández Domínguez

A Secretaria da Xunta Rectora

Dña. Concepción Campos Acuña